

**AWIG - AWIG
DAN
PERAREM
DESA ADAT CAU BELAYU**

**KECAMATAN MARGA
KABUPATEN TABANAN**

AWIG - AWIG
DAN
PERAREM
DESA ADAT CAU BELAYU

KECAMATAN MARGA
KABUPATEN TABANAN

SARA - CITA

Om Swasti Astu

Om Awignam Astu Namasidham

Melarapan paswecan Ida Sanghyang Widhi Wasa asung kerta wara
nugraha side ngawetuang kahuripan sekala lan niskala macihna minakadi
Bhuwana Agung miwah Bhuana Alit.

Tur kapupulang dados asiki minakadi : `` Tri Hita Karana`` luih ipun :

- 1 Pakilitan ring Ida Sanghyang Widhi
- 2 Pakilitan ring Pawongannyane
- 3 Pakilitan ring Palemahannyane

Pinaka anggen dasar ngemanggehan Desa Adat Cau Belayu saha mabuat
pisan kawenten an Awig - awig Desa Adat puniki, pinaka titi anggen nemuang
kasukertan Desane. Sejaba punika pamekas pisan kajejerang Panca Sila
saha UUD 1945 pinaka Pamikukuhnyane.

Om Santhi Shanti Santhi Om

**PIDAGING MAKA BANTANG AWIG - AWIG
DESA ADAT CAU BELAYU**

SARA CITA		<i>Hal</i> i
PIDAGING MAKA BANTANG AWIG - AWIG		ii
SARGA : I ARAN LAN WAWIDANGAN		
Pawos : 1		1
SARGA : II PETITIS LAN PAMIKUKUH		
Pawos : 2		1
Pawos : 3		1
SARGA : III SUKERTA TATA PAKRAMAN		
Palet : 1. Indik Kerama		
Pawos : 4		1
Pawos : 5		1
Pawos : 6		2
Pawos : 7		2
Pawos : 8		2
Pawos : 9		2
Pawos : 10		2
Pawos : 11		3
Palet : 2. Indik Prajuru		
Pawos : 12		3
Pawos : 13		3
Pawos : 14		3
Pawos : 15		4
Pawos : 16		4
Palet : 3. Indik Kulkul		
Pawos : 17		4
Pawos : 18		4
Pawos : 19		4
Palet : 4. Indik Paruman		
Pawos : 21		5
Pawos : 20		5
Pawos : 22		5
Palet : 5. Indik Druwen Desa		
Pawos : 23		6
Pawos : 24		6
Pawos : 25		6
Palet : 6. Sukerta Pamiteg		
A Karang, Tegal, lan Carik		
Pawos : 26		6
Pawos : 27		6
Pawos : 28		7
B Pepayonan		
Pawos : 29		7
Pawos : 30		7
Pawos : 31		7
C Wewangunan		
Pawos : 32		7
D Wewalungan		
Pawos : 33		7
Pawos : 34		8
Pawos : 35		8
E Indik Baya		
Pawos : 36		8
Palet : 7. Indik Daha Teruna		
Pawos : 37		8
Pawos : 38		8

SARGA : IV SUKERTA TATA AGAMA**Palet : 1. Indik Dewa Yadnya**

Pawos : 39	9
Pawos : 40	9
Pawos : 41	9
Pawos : 42	9
Pawos : 43	9
Pawos : 44	10
Pawos : 45	10
Pawos : 46	10
Pawos : 47	10
Pawos : 48	10

Palet : 2. Indik Resi Yadnya

Pawos : 49	10
Pawos : 50	11

Palet : 3. Indik Pitra Yadnya

Pawos : 51	11
Pawos : 52	11
Pawos : 53	11
Pawos : 54	12
Pawos : 55	12
Pawos : 56	12
Pawos : 57	12
Pawos : 58	12
Pawos : 59	12
Pawos : 60	12

Palet : 4. Indik Manusa Yadnya

Pawos : 61	13
------------	----

Palet : 5. Indik Buta Yadnya

Pawos : 62	13
------------	----

SARGA : V SUKERTA TATA PAWONGAN**Palet : 1. Indik Pawiwahan**

Pawos : 63	13
------------	----

Palet : 2. Indik Sentana

Pawos : 64	13
------------	----

Palet : 3. Indik Warisan

Pawos : 65	13
------------	----

SARGA : VI WICARA LAN PAMIDANDA**Palet : 1. Indik Wicara**

Pawos : 66	14
Pawos : 67	14

Palet : 2. Indik Pamidanda

Pawos : 68	14
Pawos : 69	14
Pawos : 70	14

SARGA : VII NGUWAH NGUWUHIN AWIG - AWIG

Pawos : 71	14
------------	----

SARGA : VIII PEMUPUT

Pawos : 72	15
------------	----

- b. Kerama pengele sane magenah ring siosan Desa Cau Belayu.
- c. Kerama pengele sane magenah ring siosan karang Kedi sane kantung ring kakuwub Desa Cau Belayu.
- 3. Kerama Balu Lanang wiadin Wadon.
- 4. Kerama Teruna - teruni.

Pawos : 6

Kawit dados kerama Desa :

- 1. Mawiwit sangkaning ngemong karang kedi.
- 2. Sampun mapaumahan manut Tri Hita Kerana.
- 3. Mawiwit sangkaning jumenek saha ngarereh pangupa jiwa.
- 4. Melarapan antuk pawiwahan risampune mawidi widana manut dresta Agama muah undang - undang Panagara Republik Indonesia.
- 5. Sejaba Kerama Teruna-Teruni.

Pawos : 7

- 1. Satunggal karang kedi patut ngayah Desa ssanunggal.
- 2. Ayah-ayahan sane siosan ring sawewongkoning Desa Adat Cau Belayu kasulurang manut perarem.

Pawos : 8.

Tategenan kerma Desa kadi ring sor :

- 1. Kerama pengarep karang kedi keni ayahan miwah papeson memungkul.
- 2. Kerama pengele keni ayah-ayahan manut perarem.
- 3. Kerama balu keni ayah-ayahan pepeson manut kawentenan pawongannyane.
- 4. Kerama Teruna-Teruni keni ayah-ayahan manut kabuatan, kesulurang manut perarem.

Pawos : 9

Swadarmaning Kerama Desa miwah tamiyu :

- 1. Swadarmaning Kerama Desa :
 - a. Dereda adung ring Desa.
 - b. Tinut saturut ring Awig-Awig pasuara lan Perarem Desa.
 - c. Tan maren ngutsahayang mangda Desane nyidayang nyujur manut patitis kadi munggah ring Pawos 3.
- 2. swadarmaning tamiyu :
 - a. Tinut satuwut ring tatuwek Desane ngupadi kasukertan kerama.
 - b. Tan wenten tungkas ring pemargin kertin Desane.

Pawos : 10

Petias (ulih-ulihan) kerama Desa kadi ring sor :

- 1. Polih pesayuban prajuru ngemanggehang seluir petitis Desane.
- 2. Kengin mepuangkid, nyade nyuksukin, mogpog, ngapel :
 - a. Mapuangkid : ngeluputin ayah ayahan Desa meanwite sungkan Meyadnya.
 - b. Nyade : Ngemademang ayah-ayahan saha papeson riantukan sampun wenten nyelediyinin.
 - c. Nyuksukin ayah kedadosang ring sampune sane nyusukin punika Daha Teruna. Sane lanang mayusa 18 warsa, tur sane istri sampun mayusa 16 warsa utawi sampun ngeranjing ring seke deha teruna.
 - d. Mogpog : ngetut ayah-ayahan antuk arta berana (Jinah).

- e. Ngampel : ngentosin ayah-ayahan saha pepeson antuk arta berana (Jinah).

Pawos : 11

1. Wusan dados kerama Desa sekadi ring sor :
 - a. Sangkaning Padem.
 - b. Sangkaning magingisir genah.
 - c. Saking pinunas ngeraga.
 - d. Gumanti wantah Kenorayang.
 - e. Wusan mekrama kasulurang antuk prajuru Desane manut perarem.
2. Sane wusan mekrama Desa tan polih pah-pahan sehananing druwen Desa.
3. Ngunggahang wiadin wusan mekerama Desa kelaksanayang nyabran warsa sasih kasanga.

Palet : 2. INDIK PRAJURU

Pawos : 12.

1. Desa Adat Cau Belayu kaenterang antuk Bendesa Adat.
2. Bendesa Adat keadegang melarapan antuk pemilihan ring paruman manut dudonan.
3. Sakeluiring prejuru sekadi kebaos ring ajeng keadegang suen ipun 5 warsa tur dados keadegang malih.

Pawos : 13.

1. Bendesa Adat kesangra antuk prejuru-prejuru minekadi :
 - a. Petajuh minekadi pengabihnyane.
 - b. Penyarikan minekadi juru surat.
 - c. Cihnan ngawit ngemargiang swadarman Bendesa Adat kawisuda melarapan upacara pamarisuda ring pura Desa.
 - d. Petengen minekadi juru rumaksa druwen Desa.
 - e. Sang rumaksa piranti-piranti druen Adat (Bagian Perlengkapan).
 - f. Pecalang.
2. Sane dados keadegan prajuru Bendesa Adat.
 - a. Sampun mayusa paling kidik 25 warsa.
 - b. Sampun meperabian.
 - c. Uning nyurat aksara latin wiadin aksara Bali, ngewacen, mawibawa, jujur tur masolah becik.
 - d. Nenten Cedaangga.
 - e. Nenten naenin katiwakang pamidanda ring Pemerintah.
 - f. Sumanggup dados prejuru tur ngelaksanayang swadarmaning prejuru.
 - g. Yening tan polih sekadi ajeng a, b, c, d, e, f, patut ngerereh manut perarem.
3. Prajuru inucap kapilih olih keramane sami melarapan antuk paruman Desa.

Pawos : 14.

1. Swadarmaning Bendesa Adat :
 - a. Ngenterang paruman - paruman Desa.
 - b. Ngenterang pelaksanan daging awig-awig Desa miwah pamutus wiadin prarem-pararem Desa.
 - c. Nitenin setata ngange seraja berana druwen Desa.
 - d. Nuntun tur ngenterang warga desane ngutsahayang nginggilang sanghyang agama, kasucian kayangan-kayangan, kasucian pawongan miwah tata caraning ngangge setra.
 - e. Nuntun tur ngenterang warga Desane ngutsahayang kasukertan sekala lan niskala.
 - f. Mawosang kalih niwakng pamutus marep ring wicara warga Desane.
 - g. Nuntun saha nyaksinin tata caraning sang kahuripan saha mabuat pisian minakadi sane ngilitan sulur-sulur pakula wargan.
 - h. Maka duta (utusan) Desa matemuang raos ring sapasira ugi.
 - i. Miwah sane siosan manuk drestan Desa.

2. Tata cara ngelaksanayang swadarmaning ring ajeng, patut manut ring awig - awig, pararem, dresta miwah pemutus-pemutus paruman Desa.
3. Pengelaksana ring ajeng patut kasiarang ring paruman Desa Kapungkurnyane.

Pawos : 15.

Petias (ulih-ulihan) prejuru (Bendesa Adat) :

- a. Leluputan, wewdalan rerampe.
- b. Cenengan ring Desa utawi Banjar aduman.
- c. Muah sane siosan manut pararem.

Pawos : 16.

1. Prajuru kagentosanriantukan :
 - a. Seda.
 - b. Manut ring sengkernyane.
 - c. Saking pinunas preragan.
 - d. Sangkaning kawusan antuk keramane.
2. Ngentosin prajuru mangda sajeroning paruman Desa tur kereramin antuk keramane.

Palet : 3. INDIK KULKUL**Pawos : 17.**

1. Kawentenan kulkul ring Desa Adat Cau Belayu :
 - a. Kulkul tebengan magenah ring kayangan.
 - b. Kulkul Desa Adat magenah ring Balai Desa Adat.
 - c. Kulkul pemaksan magenah ring Balai Pemaksan.
 - d. Kukul Hansip magenah ring Pos Kamling.
2. Kulkul Desa utawi sane siosan tan wenang katepak yaning tan sangkaning pituduh prajurune suang - suang.
3. Tabuh tetepakan kulkul Desa :
 - a. Tengeran puja wali nung-tit.
 - b. Tengeran tedun ngayah wiadin parum, nabuh.
 - c. Tengeran sinalih tunggil wenten seda, ping 6 banban.
 - d. Tengeran maduwe oka, ping 5.
 - e. Tengeran pawiwahan, ping 10.
 - f. Tengeran rikala wenten linuh, bulan kepangan, surya kepangan, kulkule ngompang.
 - g. Tengeran panca baya :
 1. Geni baya suaran kulkule bulus 1 tulud saha ngembat.
 2. Kemalingan suaran kulkule kalih tulud.
 3. Yening kaicalan wewalungan, jaga kaserep suaran kulkule bulus kalih tulud.
 4. Yening mebaya pati suaran kulkule bulus tigang tulud.
 5. Riwosan kepanca baya wenten suaran kulkul tabuh alon nyihna- yang sampun sida patut.
 - h. Tengerang ngurungang mekarya, utawi pengerencana siosan ping tiga.

Pawos : 18.

1. Sang nepak kulkul sangkaning nenten pituduh prajuru suang-suang patut kadenda manut pararem, asapunika taler yan nepake tan manut wiguna sejawaning kepancabaya.
2. Mungguing pamidanda ring ajeng manut pararem suang suang sane ngewiletin kulkul inucap.

Pawos : 19.

1. Tengeran kepanca baya sekadi kaucap ring ajeng wenang katedunin antuk sehanan keramene sane gegawan manut rupan bayane.
2. Suaran kulkul seka tan wenang matehin tur nyaruin tengeran kulkul Desa.

Palet : 4. INDIK PARUMAN**Pawos : 20.**

1. Paruman-paruman ring Desa Adat luire :
 - a. Paruman Desa Adat kawentenang asasih apisan.
 - b. Paruman prajuru Adat kawentenang sedurung paruman Desa.
 - c. Paruman Deha Teruna Adat kawenangan manut ring anggaran Dasar Rumah Tangga seke Dehe Teruna.
2. a. Sehananing paruman sida kelaksanayang yan sampun krauhin langkungan ring atengan cahcahan kerama.
 b. Sane patut dados ngawiletan paruman Adat sampun mayusa lintang ring 30 tahun nyatos ten dados mayusa lintang ring 60 tahun.
3. Sehananing pamutus kausahayang mangda melarapan antuk gilik saguluk. Yaning tan prasida patut ngangge suara sane akehan maka sinanggeh pamutus.
4. Ring sehanan paruman tan maren ngemanggalanin antuk pengarcan ring Ida Bag-awan Penyarikan saha Widhi Widana.

Pawos : 21.

1. Sajeroning paruman Desa patut nyiarang pemargi ngenterang Desa pamekas kadi ring sor :
 - a. Munjuk lungsur ring pekeraman sekadi ayah-ayahan sulur arta berana druen Desa muah sane siosan.
 - b. Pemargin sulur penelasan miwah pengeranjingan druen Desa.
 - c. Pemargin usaha druwen Desa sane mabuat.
 - d. Sehanan wicara saha pemutus-pemutus miwah pesuarane sane mabuat.
 - e. Daging perarem-perarem miwah pesuaran sane mebuat.
 - f. Rencana prejuru ngardinin usaha kartin Desane kapungkur.
 - g. Miwah sane siosan.
2. Sehanan sesiar ring ajeng patut katinutin sha katiwakang pamutus antuk paruman Desa.
3. Pamutus paruman inucap ring ajeng sinaggeh sepat siku-siku tur patut katinutin antuk kerama Desane sami.

Pawos : 22.

1. Paruman prajuru patut :
 - a. Kawentenang asasih apisan bilih-bilih kengin napekan kegunannyane.
 - b. Kasarengin antuk prejuru-prejuru Desa saha pemucuk-pemucuk ring Desa.
 - c. Katuntun antuk prejuru Desane sinalih tunggil.
2. Paruman prajuru wantah ngarincikang tata upaya ngelaksanayang usaha miwah rencana kadi ring sor :
 - a. Wewangunan ring Desa sane patut kewangun mine kadi druen Desa.
 - b. Wewangunan ring Kayangan Tiga utawi Pura sane siosan sane kaemong antuk Desa Adat.
 - c. Margi-margi sawewongkonin Desa Adat.
 - d. Ngutsahayang parindikan pelaba pura.
 - e. Ngutsahayang telajakan-telajakan Desa.
 - f. Miwah wewangunan sane siosan manut linggih tata Agama.
3. Paruman prajuru tan wenang ngamedalan tetibak, tetegenan ring kerama Desane, sadereng kaingkupin antuk kerama.
4. Paruman prajuru Desa ngawetuang pasuara maka pengelantur perarem Desa tur kengin taler prajuru manut kawentenan, sane kararemin antuk prajuru sami.
5. Kelihan Pemaksan miwah mawit saking pituduh sang ngawiwenang.

Palet : 5. INDIK DRUEN DESA.**Pawos : 23.**

Padruwen Desa Adat Cau Belayu :

1. Kayangan Desa jangkep sakeluir busananyane.
2. Tanah Laba keh ipun :
 - Tanah Carik : 325 are
 - Tanah Tegal : 80 are
3. Setra : Setra Agung, setra alit.
4. Lembaga Perkreditan Desa (LPD).
5. Usaha Desa Adat sane siyosan
6. Piranti-piranti Desa :
 - a. Wewangunan-wewangunan ring Desa minakadi ring Kayangan.
 - b. Balai Desa.
 - c. Semar Pegulingan.

Pawos : 24.

1. Pamupon tanah Laba pura ring ajeng kaangen perabia mecikin wewangunan ring pura Kayangan Tiga.
Sakirangnyane patut kacingkremin manut perarem keramane.
2. Druen Desa minakadi ring ajeng tan kengin keadol utawi kegadeang sejawaning sampun keraremin antuk keramane manut patitis Desane.

Pawos : 25.

1. Prajuru wenang ngetangang pamupon pelaba pura lan sepenunggal druen Desa manut perarem.
2. Nyabran paruman Desa prajuru patut nyiarang sehanan parindik ngujuk lungsuran druen Desa, ilikita pastika.

Palet : 6. SUKERTA PAMITEGEP.**Pawos : 26.****A. KARANG, TEGAL, Lan CARIK :**

- a. Karama sane ngemong karang kedi, carik utawi tegalan patut ngewatesin karang, carik, tegal punika antuk pagehan, tembok utawi pagehan punden.
- b. Prade wates punika ngelikadin, wates punika patut ngange wates pasti.
- c. Yening wenten karang kebebeng mangda kautsahayang wenten pemargi melarapan antuk numbas utawi nyilurin.
- d. Yening wenten perubahan kagunan tanah patut kasurat ring Perarem.

Pawos : 27.

1. Karang Desa, karang kedi muah tebe watese megaleng keluan minekadi wates sisi kaler tur kengin kekaryaning antuk sang mederbe karang.
2. Wates sane marep kemargine mangda kekanten Asri, disisin ipun patut ketandurin karang kitri.
3. Wates carik patut megaleng keteben, wiadin kelebahe patut kakaryaning sang menerbe carik. Yan tegal megaleng keluan minekadi ring sisi kaler, patut kekaryaning antuk sang menerbe tegal.
4. Wates inucap kengin antuk pagehan, punden, wiadin praciha minekadi pal saking K.P.T. (Kantor Pendaftaran Tanah).

Pawos : 28.

1. Sinalih tunggil kerama tan kalugra :
 - a. Ngelalah tanah karang, pelaba pura, margi, tegal, miwah carik penyanding.
 - b. Ngelalah tanah tegak kayangan, setra, lan sane siosan selantur ipun.
 - c. Ngembahang toya sekeluire ke penyanding.
 - d. Ngutang wangken wewalungan ke pekarangan, ketukade kemargine, bilih-bilih kegenah sane suci.
2. Sang piwal ring pedabdab ring ajeng keni danda manut perarem.

Pawos : 29.**B. PEPAYONAN :**

1. Tanem tuwuh, tetanduran sakeluwire makamiwah tata cara ngange karang tan wenang naonin, ngawanan pocol utawi ngelabuhin karang penyandingnyane.
2. Yening wenten asapunika wenang kasepat gantungan karang punika utawi katiwakang pamidanda.
3. Tanem tuwuh sane mebaye ring penyandingnyane wenang kasepat gantungan.

Pawos : 30.

1. Ngawit nanem pepayonang patut adepa agung (1,5 m) ngajeroang saking wates.
2. Taru sane mentik ring wates kadrebeang antuk sang madrebe wates nanging yan tan jantos ngelintangin wates.
3. Tan kalugra taru, utawi pepayonang ngelintangin wates bilih-bilih mewasta mayanin penyandingnyane.

Pawos : 31.

1. Pradene wenten sekadi menggah ring pawos 30 ring ajeng kengin kawarah ring penyandingnyane tur kesadokang ring prejuru mangda mituduhin sang nruenang tur ngerebah pepayonang inucap. Yening ping tiga kasadokang ring prejuru sang medrebe pepayonang durung ngerebah pepayonang patut keni pamidanda, dewa-danda, miwah arta danda manut perarem.

Pawos : 32.**C. WEWANGUNAN :**

1. Wewangunan patut :
 - a. Ngange asta bumi miwah gegulak asta kosala kosali, sanistan ipun manut ring petitis niskala.
 - b. Tan dados naonin kapisaga.
2. Pradene wenten sekadi hurup "b" ring ajeng risampune kesadokang ring prajuru patut keni pamidanda manut perarem.
3. Pradene ngewangun ring tepi waes patut ngawetuang paiguman ring penyandingnyane tur kesadokang ring prajuru maka saksinnyane.
4. Wewangunan ring tepi wates inucap patut ngange abangan mangde toyan cacapan nenten kapisaga.

Pawos : 33.**D. WEWALUNGAN.**

1. Sehanan kerama Desa miara sehanan wewalungan, patut seyaga nitenin utawi negul wiadin ngelogor mangda nenten ngerusak tetanduran, karang sane siosan bilih-bilih jantos ngeletehin kayangan miwah genah sane kasuciang.
2. Prade wenten tan manut kadi ring ajeng, patut melungguhang ring sang medrebe wewalungan tur nyadokang ring prajuru Desa saha ketimbakang pamidanda manut perarem.

Pawos : 34.

1. Tan wenang ngangon wewalungan ring :
 - a. Palemahan pura, kayangan Desa, panti-panti, paibon, pemerajan, Setra, muah sane siosan sane kemanggehang genah suci.
 - b. Ring margi palemahan Desa.
 - c. Garik miwah tegalan anak siosan bilih-bilih medaging tetanduran.
 - d. Pekarangan anak siosan.
2. Yan perade wenten tan manut, keni danda manut perarem.

Pawos : 35.**TATA CARANING NABAN WEWALUNGAN.**

1. Prade wenten wewalungan kacunduk ngeranjing ring genah suci utawi ngerusak tetanduran tur nenten wenten mariangken wenang ketaban antuk sane ketiben.
2. Sapasire ugi sane polih naban wewalungan patut :
 - a. Mesadok ring prejuru Desa tur sang Prajuru nureksanin wewalungan punika.
 - b. Miara wewalungan inucap sepatut ipun.
 - c. Yan tan manut kadi ring ajeng a,b, sang naban tan polih prebiye saking sang nruenang wewalungan.
3. Sang madrue wewalungan patut :
 - a. Naur prebiye ring sang polih naban manut perarem Desa.
 - b. Patut keni pamidanda manut perarem.

Pawos : 36**E. INDIK BAYA :**

1. Sane kasinangehan baya luih ipun :
 - a. Jiwa baya.
 - b. Arta baya.
 - c. Geni baya.
 - d. Toya baya.
 - e. Pelegandangan.
 - f. Dur cara ring Agama.
2. Sehanangning warga Desa sane pastika ring kawentenan jatma sane ngelaksanayang dusta uatwi baya, patut pnh riin atur uning ring prejurune.
3. Bilih mebuat kawentenan ipun sang uning patut digelis nyuareyang manut pengelaksanaan baya utawi dustane.
4. Prade wenten suaran kulkul sekadi ring ajeng kerama Desane patut medal mitulungin sang keni baya manut rupan bayane.

Palet : 7. INDIK DAHA TERUNA.**Pawos : 37.**

1. Sehanan warga Desane sampun mayusa 15 warsa sane istri wiadin 18 warsa sane lanang patut tedun ngayah, kewastanin ayahan Daha-Teruna.
2. Ayahan Daha Teruna punika kapupulang ring sekhe Daha Teruna.

Pawos : 38.

Pariindikan prajuru, kerama muah sane sioasan mungwing sekhe teruna naler kasurat ring anggaran dasar lan rumah tangga sekhe Daha Teruna.

SARGA : IV.
SUKERTA TATA AGAMA
Palet : 1. INDIK DEWA YADNYA
Pawos : 39.

1. Pelinggih sane kacingkremin antuk krame adat Desa Cau Belayu luire :
 - a. Pura Desa.
 - b. Pura Puseh.
 - c. Pura Dalem.
 - d. Pura Prajapati.
 - e. Pura Melanting.
 - f. Pura Bedugul/Dugul.
2. Rahina piodalan suang-suang pelinggih :
 - a. Pura Puseh ring Buda Kliwon wuku Matal.
 - b. Pura Desa, ring Buda manis Julungwangi.
 - c. Pura Dalem, Pura Prajapati ring Buda Manis Kulantir.
 - d. Pura Melanting ring Saniscara Kliwon wuku Wariga.
 - e. Pura Dugul (Pura Subak) ring Sukra Umanis Merakih.
3. Panumayan petirtan ring Kayangan sekadi ring sor :
 - a. Kayangan Tiga nganem Sasih.
 - b. Pura Subak nganem Sasih.
4. Pengaci ring Kayangan Tiga manut dudonan saha dresta sane sampun ketah memargi.
5. Mitegepin pemargin pengacine kesanggra olih keramene.

Pawos : 40.

1. Ring suang-suang Pura ring ajeng kawentenang Pemangku.
2. Ngadegang Pemangku manut dudonan luire :
 - a. Nyanjan (Nunas pituduh Sang Hyang Widhi).
 - b. Turunan Pemangku.
 - c. Kepilih olih kerama manut perarem.
3. Sane tan patut keadegang Pemangku :
 - a. Cedaangga minekadi, peceng, perot, tukang, cunggih, bongol, saha sane sioasan.
 - b. Kageringanminekadi sakit ila, buduh, ayan, lan sane sioasan.
 - c. Muah sane sioasan manut perarem.

Pawos : 41.

1. Prebiye ngadegang Pemangku lanang-istri kamedalang olih keramane sami, yan mangku punika keadegang dados Pemangku ring Kayangan Desa.

Pawos : 42.

1. Rikala sang keadegang Pemangku Lampus utawi Padem, riwekas mangda katiwa-tiwayang sanistan ipun nyuasta geni olih kulawragannyane, kerama Desane nyangra antuk patis manut perarem, Tur kerama patut nyarengin ngeseng layon Pemangkune ring Setra.

Pawos : 43.

1. Tetegenan Pemangku Kayangan Desa sekadi ring sor :
 - a. Ngaryanin aturan nemonin rerainan sekadi Purnama, Tilem, Kliwon saha sane sioasan.
 - b. Ngaryanin aturan nemonin Piodalan nyabran sasih.
 - c. Ngeraksa saha nyangra Pretima lan Pengange Pura suang-suang.
 - d. Nyadokan ring Prajuru yaning wenten Pretima utawi Pengange sane kaon miwah lcal.

Pawos : 44.

1. Swadarmaning Pemangku :
 - a. Nyulurang Upacara-upacara Piodalan ring Pura suang-suang.
 - b. Ngaturan penauran-penauran sinalih tunggil kerama Desane.
2. Kerama sane jagi mepenauran patut mesadok ring prajuru desane mangda daging penauran kasurat, bilih-bilih penauran inucap merupa Arta berana, mangda kasurat dados druen Desa.
3. Mungguing sesari-sesari kaetang antuk Bendesa Adat manut perarem.
4. Pemangku inucap muputang upacara sepatutnyane manut dudonan.

Pawos : 45.

1. Petias utawi ulih-ulihan Pemangku kadi ring sor :
 - a. Leluputan ayah-ayahan.
 - b. Leluputan urunan, rerampe utawi rerauman.
 - c. Miwah sane sioasan manut perarem.

Pawos : 46.

1. Pemangku patut kagentosin riantukan :
 - a. Seda.
 - b. Pinunas Ngeraga.
 - c. Kawusang olih Kerama.
2. Prade Pemangku ngalap rabi duaning balu masengker 42 rahina patut rabinyane kawintenin antuk prebiye Desa.
3. Yaning sangkaning ngemaduang sang rabi sane anyar risampune kesahang manut Undang-undang, mangda kawintenin ngangge pebiye pereragan.

Pawos : 47.

1. Rikala petoyan, warga Desane sane pedek ngaturang bakti ring Pura, patut mabusana Adat Bali.
2. Tragia makta sarana angge muspa.

Pawos : 48.

1. Tan kalugra ngeranjing ring Pura :
 - a. Sang kacuntakan sangkaning sebel raga, selami durung mabersih, sebel madue oka selami akambuhan (42 rahina), sebel pengantenan selami durung mabyakala, sebel madue anak seda selami durung ngawentenang Bhuta Yadnya.
 - b. Makta sehanan sane ngelethin.
 - c. wewalungan yan tan jagi anggen yadnya.
 - d. Yening wenten sane tiwal patut keni Dewa Danda miwah arta danda manut perarem.
2. Ring sajeroning Pura miwah palemahannyane tan wenang :
 - a. Masumpah utawi nayub cor, sejawaning pituduh prajuru.
 - b. Makoratan, Masenggama, lanang istri makolem dados asiki.
 - c. Munggah tedun palinggih yang tan pituduh pemangku utawi prajuru.
 - d. Ngemargiang Tirta, miwah upacara sejawaning sampun pituduh pemangku utawi prajuru Desa.

Palet : 2. INDIK RESI YADNYA.**Pawos : 49.**

1. Sang pacang mapudgala (Maduwijati) sejawaning nunas panugran ring sang rumawos (Parisada utawi Kantor Agama) patut naler mesadok ring prajuru Desane.
2. Prajuru inucap patut naler sareng nureksin mangda sulur kalih pemargine yakti-yakti manut kecaping Agama.

3. Risampune kagentosin parab ring Nabe, prajuru patut digelis nyiarang ring Desane.
4. Siosan ring pemangku sang pacang mewinten saka buatan memargi nyonteng, dalang sakeluir, jaga ngenterang yadnya patut masadok ring prajuru Desa.
5. Prajuru patut nitenin miwah wenang ngalengin yan kecihnan lempas doh ring kecap.
6. Prajuru patut naler nyiarang indik kawentenang sang mawinten.

Pawos : 50.

1. Kerama Desane katuntun antuk prajuru sareng mangda sehanan yadnya sane kawentenang kaicen pamuput olih pandita utawi mangku, dalang sakeluir, manut kawenangannyane suang-suang manut dresta.
2. Prajuru patut nuntun saha ngemanggalanin kerama Desa mikukuhin linggih kasucian para wikune.
3. Sang sane nuwur patut ngaturang dana punya manut ageng alit karyane.
4. Yening upacara kelaksanayang ring sang sane madue upasara utawi geanh anak siosan pinih ajeng mangda kesadok.

Palet : 3. INDIK PITRA YADNYA

Pawos : 51

1. Pengupakaran sang lampus :
 - a. Mendem utawi ngeseng maka cihne pakingsan ring ibu pertiwi utawi ring Betara Brahma selami nutupang prebia.
2. Atiwa-tiwa utawi upakara pengabenan :
 - a. Sane sampun ketus untu lan selantur ipun keprebiye manut dresta.
 - b. Mayusa tigang sasih ngantos sadurung ketus untu patut ngelungah.
 - c. Sane lampus sadurung kepus useran dados pendem, sakewanten rare punika mangda usernyane kakepusang dumun wawu kapendem manut dresta.

Pawos : 52.

1. Swadarmaning lan tetegenan prade wenten sinalih tunggil keramane Desane lampus :
 - a. Sang kaduhkitan patut nyadokang ring prajuru tur nunas tetimbang ring kawentenannyane.
 - b. Ngaturang ring prajuru jaga kapendem utawi keabenan.
2. Swadarmaning prajuru rikala keramane wenten lampus :
 - a. Prajuru maritetes sang kaduhkitan mungwing pemarginnyane napi pacang kapendem utawi keabenang.
 - b. Nepak kulkul manut pawos 18 c.
3. Penyanggran selantur ipun :
 - a. Kerama banjar lanang istri ngambil pekaryan manutdresta miwah nyarengin ngerombo rikala pakutangan, saha suang-suang mabusana adat.
 - b. Pemargin saha miwah upakarane mangda dabdab tan kengin masuara gora marep ring layon.
 - c. Prade murug kadi ring ajeng b. katur ring prajuru Desa, keni pamidanda manut perarem.

Pawos : 53.

1. Pamendeman patut nganutin dewasa :
2. Pamendeman tan kalugra :
 - a. Riakala purnama tilem lan sane siosan sane tan kapatutan.
 - b. Rikala Betara Kayangan Ngadeg/Nyejer.
 - c. Rahina siosan sane tan kapatutang manut dresta.
3. Mendem manut genah ring setra :
 - a. Wong rare sane durung ketus untu kapendem ring setran rare.
 - b. Sane mayusa langkungan ring ketus untu kapendem ring setra Agung.
4. Sane kalugra mendem manut paetangan :

Rikala ngingkinang piodalan, papendeman dados kamrgiang antuk kulawarga nyane kewanten tur kasulubang.

5. Yening wenten jatma sios mapendem utawi katiwa-tiwa ring setra Desa Adat Cau Belayu patut naur batu-batu saha kasulurang antuk Bendesa Adat manut perarem.

Pawos : 54.

1. Prade lampus sangkaning salah pati, ulah pati, lan sekancan ipun kengin kebakta budal tur kepreteka sepatutnyane risampune kamanggalaning antuk upakara-upakara lan pangulangan.
2. Jatma sane lampus sangkaning sakit ila, gering agung sadereng kaupekara patut katureksain antuk Bendesa Adat, risampune katureksain wawu kaupakara tur kapendem ring setra.

Pawos : 55.

Sawa dehe teruna patut ngange rurub putih kuning tur prade dereng mepandes mangda sawane kakaryanang upakara metatah wawu kapendem wiadin keaben.

Pawos : 56.

Prade wenten anak istri lampus ngadur manik tan wenang kapendem utawi kageseng sadurung bobtnyane medal.

Pawos : 57.

Prade wenten wong lampus ring pekarangan, tegalan, carik utawi genah sioasan bilih-bilih ring genah sane kasinanggeh suci, sang madrue sawa patut meprayascita genah inucap saha mecru manut dresta.

Pawos : 58.

1. Mungging kacuntakan utawi sebel kadi ring sor :
 - a. Kerama Desa kacuntakan selami 3 rahina saking mependem utawi meaben, yaning sinalih tunggil wenten seda.
 - b. Sang madrue layon kacuntakan sadurung mecaru panca sata paling sue abulan pitung dina.
 - c. Saking pakilitan 12 rahina ngawit saking mapendem, wawu untas risampune mecaru.
2. Tan keneng cuntaka :
 - a. Sang sulinggih.
 - b. Pemangku kayangan tiga.
 - c. Rikala ngewangun karya meyadnya sana kebaos galah dadi.

Pawos : 59.

1. Atia-tiwa wenten kalih soroh :
 - a. Nyawa resi.
 - b. Sawa preteka.
2. Nyawa resi kelaksanayang ngangge pengawak riantukan nenten wenten sawanyane.
3. Sawa preteka kelaksanayang riantukan ngange sawa, wiadin kapreteka ngawit wawu seda.

Pawos : 60.

1. Tan wenang mendem utawi nunjel sawa miwah awak-awakan ring paumahan.
2. Yaning sang sulinggih utawi sedaka jaga kageseng ring palemahan Desa Adat punika minakadi tegal utawi sarik, sang sane ngangge pinih riin patut wenten lascarya sane madrue, saha kasaksinin antuk prejure Desane.

Palet : 4. INDIK MANUSA YADNYA.**Pawos : 61.**

1. Desa Adat nitenin sinalih tunggil kerama ngelaksanayang manusa yadnya.
2. Tata cara inucap mapegambel ring Agama lan dresta Desa.
3. Sinalih tunggil yan kerama ngelaksanayang Manusa Yadnya mebuat mangda masadok ring prajuru Desa.
4. Sang piwal ring pidabdab Desa Adat keni danda manut perarem.

Palet : 5. INDIK BUTA YADNYA**Pawos : 62.**

1. Desa Adat ngelaksanayang Buta Yadnya kabuatan Desa Adat.
2. Desa Adat ngelaksanyang penyepian kabuatan Desa Adat.
3. Tata cara pengelaksanannyane (angka 1, 2) nganutin sastra Agama lan dresta Desa tur kapikukuh manut perarem.
4. Desa Adat nitenin sinalih tunggil kerama ngelaksanayang Buta Yadnya.
5. Tata cara nitenin manut sastra Agama lan dresta Desa tur kapikukuh manut perarem.
6. Sinalih tunggil kerama pacang ngelaksanayang Buta Yadnya mabuat mangda mesadok ring prejuru.
7. Sang piwal ring pidabdab Desa Adat keni danda manut perarem.

SARGA : V**SUKERTA TATA PAWONGAN****Palet : 1. INDIK PAWIWAHAN****Pawos : 63.**

1. Desa Adat nitenin sinalih tunggil kerama ngelaksanayang Pawiwahan.
2. Indik Pawiwahan sekeluire Desa Adat mapegambel ring UU No.1 warsa 1974, indik Pawiwahan miwah PP. No. 9 warsa 1975.
3. Tata cara penyanggrane nganutin ring sastra Agama dresta Desa saha kapikukuh manut perarem.
4. Sang pacang mewiwaha mangda mesadok ring prejuru.
5. Sang tungkas ring pidabdab Desa keni danda manut perarem.

Palet : 2. INDIK SENTANA**Pawos : 64**

1. Desa Adat Cau Belayu nitenin sinalih tunggil kerama ngadegang sentana.
2. Indik sentana Desa Adat Cau Belayu mapegambel ring uger-uger jagat saha nganutang ring sastra Agama, dresta Desa tur kapikukuh manut perarem.
3. Tata cara nitenin ngadegang sentana sentana kasulurang manut perarem.
4. Sinalih tunggil kerama pacang ngadegang sentana mangda mesadok ring prajuru.
5. Sang piwal ring pidabdab Desa keni danda manut perarem.

Palet : 3. INDIK WARISAN**Pawos : 65.**

1. Desa Adat Cau Belayu nitenin sinalih tunggil kerama ngidikang warisan.
2. Indik warisan Desa Adat Cau Belayu mapegambel ring uger-uger jagat, keanutin ring sastra Agama kalih Drestan Desa tur kapikukuh manut perarem.
3. Tata cara nitenin indik warisan manut perarem.
4. Sinalih tunggil kerama pacang ngidikang warisan mangda mesadok ring prejuru.
5. Sang piwal ring pidabdab desa keni danda manut perarem.

SARGA : VI
INDIK WICARA LAN PAMIDANDA
Palet : 1. Indik Wicara
Pawos : 66.

1. Sane wenang maosin minekadi mutusin wicara Desa inggih punika Prajuru Desa, minekadi : Bendesa Adat tur kesanggra antuk prajuru siosan.
2. Pemargin pamutus nganutin pasuara awig-awig miwah mangda nganutin Tri Premana saha dresta pangeluk ika.
3. Yan tan presida kaatur ring sang Guru Wisesa wiadin sang rumawos (Pengadilan Negeri).

Pawos : 67.

1. Saluiring wicara mangda segelisnyane kebaosang tur kapuputang bilih-bilih wicarene mawiwit saking kecorahang, dusta, wiroso, miwah sane tungkas ring awig-awig.
2. Sang pemutus mangda jejer ring tetiwak danda pemutus.

Palet : 2. INDIK PAMIDANDA.
Pawos : 68.

1. Desa utawi Banjar wenang niwakang pamidanda ring warga Desa sane sisip.
2. Peniwak inucap kelaksanayang olih Bendesa Adat.
3. Ageng alit pamidanda manut sor singgih kesisipan, tan maren ngardinin darma kawelas arsan maka buatan kesudamalan Desa.
4. Bancakan pamidandan :
 - a. Danda arta miwah panikel-panikelan.
 - b. Nunas pengampura (Nyuka iwang).
 - c. Upakara pangaskara.
5. Jinah utawi berana pamidanda keranjingan dados druen Desa.

Pawos : 69.

1. Risampune wewanengan ngamedalang jinah papeson utawi urunan dedendan, dedosan risampune kalugrain tempo keni pamidanda nikel.
2. Risampune keni nikel mewaneng aparuman taler nenten ketaur patut Kerampag.
3. Munggwing daging rerampagan raris kalelang, tur dedosannyane keambil saha sisannyane kewaliang.

Pawos : 70.


1. Sane nenten patut keni pamidanda :
 - a. Anak alit dane durung mayusa 10 warsa.
 - b. Jadma buduh.
 - c. Sang sungkan (tan tinarsa).

SARGA : VII
NGUWAH NGUWUHIN AWIG - AWIG.
Pawos : 71.


1. Nguwah nguwhin awig - awig puniki kelaksanayang antuk paruman Desa.
2. Paruman Desa mangda kedasarin antuk pekertin Desa.
3. Pamutus baos kedasarin antuk gilik saguluk.
4. Yan tan presida asapunika mangda kawentenang cacah suaran krama.
5. Saluiring sane sampun ketah memargi nenten kasuratang ring awig-awig puniki patut kelaksanayang manut dresta, kedasarin antuk perarem-perarem desa.

SARGA : VIII
PEMUPUT.
Pawos : 72.

1. Awig-awig puniki sampun puput keraremin olih para kerama Desa Adat Cau Belayu.
2. Awig-awig puniki kelingga tanganin antuk :
 - a. Bendesa Adat Cau Belayu
3. Kesaksinin Antuk :
 - a. Kepala desa Cau Belayu.
 - b. Parisada Hindu Dharma Kecamatan Marga.
 - c. Camat Marga.
4. Kewikanin antuk :
 - a. Badan Pembina pelaksana Lembaga Adat Kabupaten Tabanan.
 - b. Parisada Hindu dharma Indonesia Kabupaten Tabanan.
 - c. Kepala Kantor Departemen Agama Kabupaten Tabanan.
5. Pamikukuh :
 - a. Bupati Kepala Daerah Tk. II Tabanan.
6. Katur ring Guru Wisesa mangdane katureksa tur kelingga tanganin.



S A K S I - S A K S I



KAWIKANIN OLIH :

